

**ՄՅՈՒՆՅԱՅ ՆԱԽԱՐԱՐՈՒԹՅԱՆ ԴԵՐԸ
ԱՐՇԱԿՈՒՆԵՐԻ ԹԱԳԱՎՈՐՈՒԹՅԱՆ ԺԱՄԱՆԱԿԱՇՐՋԱՆՈՒՄ**

Տ. Մ. ՍԱՀԱԿՅԱՆ

Հայկական բարձրավանդակի տեղաբնիկ ցեղերից մի քանիսը հնագույն ժամանակներից հաստատված են եղել պատմական Սյունիքի տերիտորիայում: Մովսես Խորենացին հաղորդում է, որ ավանդական Դեղամ նահապետի որդի Սիսակը սիրում էր Դեղաքունի դավառից մինչև Արաքս դետն ընկած տարածությունը, որը նրա անունով կոչվում է «Սիսական» կամ «Սիւնիք», իսկ տոհմը՝ Սիսակյանց կամ Սյունյաց¹:

Հիմնվելով Խորենացու վկայության վրա, Ստեփանոս Օրբելյանը ևս Սյունյաց տոհմի առաջացումը կապում է Սիսակի հետ և նշում, որ Սյունյաց նահապետությունը, սկսվելով Սիսակից, «հարադատութեամբ որդիք զհարս փոխանակելով՝ հասին՝ ի նախարարութիւն»²:

Հայագետ Ն. Ադոնցը պատմական փաստերով հիմնավորել է, որ Սեանա լճի ավազանում հնագույն շրջանում ապրել է «ղել» կամ «ղեղ» անունով մի ցեղախումբ, որը հսկայնի է դարձել Արտաշեսյան հարստության շրջանում և որ այդ ցեղի անունով էլ նրա բնակեցրած տերիտորիան կոչվել է «Գեղաքունիս»³: Գրեթե նույն կարծիքն է հայտնում նաև պրոֆեսոր Գր. Ղափանցյանը: Նա պատմական Սյունիքի հյուսիսային մասում տեղադրում է «ղեղ» ցեղը և նշում, որ այդ ցեղի ցեղապետի ղղյակ-բերդը կոչվել է «Կիսխունու», որից էլ ծագել է Գեղաքունի պատմական անունը: Նա բերում է Սեանա լճի ափին Արդիշտի I-ի և Ռուսա I-ի թողած ուրարտական երկու արձանագրություններ, որտեղ հիշատակված են Կիսխունի քաղաքի և երկրի անունները⁴: Գր. Ղափանցյանի հետազոտությունները ցույց են տալիս, որ հնագույն ժամանակներում Սյունիքում ապրող ցեղերը իրար հետ կապված են եղել դաշնակցային սկզբունքներով և մի քանի անգամ ապստամբել են ուրարտական թագավորների դեմ:

Սյունիք կամ Սիսական տեղանվան, ինչպես նաև Սևորդյաց նախարարական տոհմի, Սեանա լճի ու կղզու անունների ծագումը Ղ. Ալիշանը կապում է Սեուկ իշխանի անվան հետ: Նա գրում է. «...Հաւանելի և ընդունելի եւս է ինձ միւս աւանդութիւն ալլոց պատմչաց, Սեուկ անուն նահապետ մի լինել յորմէ և Սեուրդնանցն ազգ, զրակից Սիւնեաց աստ-ուստ թերեւս և անուն կղզւոյ ծովուն Գեղամայ Սեւան, և ի սմանէ Սիւնիք՝ իբր Սեւունիք»⁵: Ա. Գարադաշյանը Սյունիք կամ Սիսական տերմինը կապում է սկյութացիների կամ

1 Տե՛ս Մովսես Խորենացի, Պատմութիւն Հայոց, Թիֆլիս, 1913, էջ 44—45:

2 Ստեփանոս Օրբելյան, Պատմութիւն աւանի Սիսական, Մոսկվա, 1861, էջ 6:

3 Տե՛ս Н. Адо́нц, Армения в эпоху Юстиниана, СПб., 1908, էջ 420:

4 Գր. Ղափանցյան, Ուրարտուի պատմությունը, Երևան, 1940, էջ 109:

5 Ղ. Ալիշան, Սիսական, Վենետիկ, 1893, էջ 5:

սակերի անվան հետ: Նա գրում է, թե «զալով Սիսական բառին՝ Պարսիկը յուրոց ւունուն և Արարացիք՝ Սիսական անուամբ զիմանային Սակ կամ Շակ կոչուած հին մար-սկիւթացի (medoscythe) ցեղի մը երկիրը յարեմտից Կասպից ծովուն: Ուստի շատ հաւանական է, թէ Սիւնեաց երկիրն, ինչպէս նաև մերձակայ նահանգն Արցախու, որ և կոչի ի հին մատենագիրս մեր «Փոքր Սիւնիք», Սիսական և Հարանդ համանուն գտաւոններով՝ վաղուց բնակութիւն լին Շակաց... Այս է, որպէս ասացաք՝ հաւանականապէս Սիւնեաց երկրին, ինչպէս նաև Արցախու զաւառին Սիսական կոչուելուն պատճառը...»⁶: Ն. Ագոնցը ևս Սյունիք և Սիսական անունները կապում է սակերի կամ սկյութացիների անվան հետ:

Հայ ժողովրդի կազմավորման պրոցեսում Սյունիքի բնակչութիւնը նույնպէս միաձուլվել և իւր տեղն է գրավել նոր ձևավորված հայ ժողովրդի կազմում: Միաձուլման պրոցեսում Սյունյաց իշխանները չեն կորցրել իրենց տոհմական իրավունքները և Արտաշիսյան թագավորության շրջանում, մտնելով տիրող վերնախավի մեջ, պահպանել են նախկին տոհմանունը և երկրամասի Սյունիք կամ Սյունյաց նահանգ անվանումները:

Մ. թ. ա. IV դարում Սյունիքը մտնում էր Աքեմենյան Պարսկաստանին ենթակա Արեւելյան Հայաստանի սատրապության մեջ:

Արտաշիսյան թագավորության հիմնումից հետո ականավոր պետական ուրծիչ Արտաշէս I-ը, բարձր զնահատելով Սյունիքի ռազմա-ստրատեգիական նշանակութիւնը, ույզ երկրամասը միավորում է հայկական պետության կազմում և գրանցում ապահովում պետության սահմանները՝ հյուսիս-արեւելքից ներխուժող ցեղերի ասպրտակութիւններից: Հավանաբար, Արտաշէս I-ը Հայաստանի արեւելյան մասում կողմնապահ է նշանակել Սյունյաց իշխանին. այդ երևում է Խորենացու այն հաղորդումից, թե հայոց ավանդական թագավոր Արամը Հայաստանի արեւելյան սահմանների պաշտպանութիւնը հանձնել էր Սիսականի կամ Սյունյաց իշխանին⁸:

Այդ նույն շրջանում Սյունյաց ղորաղնդերը գրավել են Աղվանքի մի մասը: Խորենացին հաղորդում է, որ «...զգունդս Սիսական որ ժառանգեաց զղաշտն Աղուանից, և զլեոնակողմն նորին զաշտի, ի զետոյն Երասխայ մինչև ցամուրն՝ որ ասի Հնարակերտ...»⁹: Ստեփանոս Տարոնեցին ևս գրում է, որ Արտաշիսյան հարստության շրջանում Հայաստանի արեւելյան կողմում մղվող պատերազմներին մասնակցել է նաև Սյունյաց զորաղունդը, որը գրավել է Աղվանքը¹⁰:

Սյունիքի և Սյունյաց նախարարության ղերը ավելի է մեծանում մ. թ. I դարից սկսած, երբ Հայաստանում հիմնվում է Արշակունիների թագավորութիւնը: Այդ ժամանակից ի վեր Սյունյաց իշխանները կարևոր ու առաջնակարգ տեղ են զբաղում Արշակունիների արքունիքում:

6 Ա. Մ. Կարապաշյան, Քննական պատմութիւն Հայոց, հատ. 1, Թիֆլիս, 1895, էջ 150:

7 Տէ՛ս Մ. ԱճՈՒՈ, նշվ. աշխ., էջ 421:

8 Տէ՛ս Մ ո վ ս և ս Խ ո Ր Ե Ն Ա Յ ի, էջ 46:

9 Նույն տեղում, էջ 106:

10 Տէ՛ս Ս տ Ե փ ա ն ո ս Տ ա Ր Ո Ն Ե Յ ի Ա ս ո զ ի կ, Պատմութիւն տիեզերական, Փարիզ, 1859, էջ 38:

Ինչպես այլ երկրներում, այնպես էլ Հայաստանում խոշոր իշխանների ղեկը և թագավորական արքունիքում բռնած զիրքը որոշվել են նրանց զինվորական հզորություններով։ Արշակունիների թագավորության շրջանում Հայաստանում ամենից շատ զորք է ունեցել Սյունյաց նախարարությունը։ Ն. Ագոնցի կարծիքով, III—IV դդ. Սյունյաց նախարարությունը ունեցել է 19400 զինվորներից կազմված զորաբանակ¹¹։ Մեր կարծիքով, այդ թիվը կարող է որոշ ճշտմանը «Ջորանյանականում» Սյունյաց նախարարության զորքի 19400-ի հիշատակումը առաջացել է նրանից, որ Հայաստանում IV դարում բոլոր նախարարական զորքերը բաժանվել են չորս խոշոր զորաբանակների՝ արևելյան, արևմտյան, հյուսիսային, հարավային։ Արևելյան զորաբանակի մեջ մտել են 21 նախարարությունների զորքերը, որոնց թիվը, ըստ Երևույթին, հասել է 19400-ի, և այդ զորաբանակի գլխավոր հրամանատարությունը հանձնվել է Սյունյաց իշխանին։ Դրա հիման վրա էլ սխալմամբ կարծիք են հայտնել, թե Սյունյաց նախարարությունը ունեցել է 19400-անոց բանակ։ Մեզ թվում է, որ Սյունիքի զորքի թիվը եղել է մոտ 10000, եթե բոլոր նախարարությունների զորքերի ընդհանուր թիվը հասել է շուրջ 80 հազարի, ապա չէր կարող նրա մոտ 25 տոկոսը լինել միայն Սյունյաց նախարարության զորքը։ Հայտնի է, որ IV դարում Հայաստանում բղեղիությունների զորաբանակները 10000-ի չեն հասել, իսկ Արծրունյաց, Բագրատունյաց և Մամիկոնյան հզոր նախարարություններից ամեն մեկը ունեցել է 1000 զինվորից կազմված զորաբանակ։ Ինչպես հաղորդում է Փավստոս Բուզանդը, Պապ թագավորի դահակություն ժամանակ (368—374) Հայաստանում ամբողջ զորքերի թիվը եղել է 90 հազար¹², որի մեջ մտել են նաև արքունական զորագնդերը։ Այդ փաստը ևս ցույց է տալիս, որ հիշյալ ժամանակաշրջանում Սյունյաց նախարարության զորքերի թիվը չէր կարող հասնել 19400-ի։

Պատմական Սյունիքի, ինչպես նաև Ղարաբաղի ռազմա-ստրատեգիական կարևոր նշանակությունը Հայաստանի արևելյան սահմանների պաշտպանության գործում հանգամանորեն պարզաբանել է Լեոն¹³։ Արշակունյաց թագավորության հիմնադիր Տրդատ I-ի կողմից հռոմեական նվաճողների դեմ մղված կռիվներում կարևոր դեր են խաղացել Սյունիքի զորագնդերը՝ Տրդատ I-ին հավատարիմ Սյունյաց իշխանների գլխավորությամբ։ Այդ պատճառով էլ, երբ Տրդատ I-ը կարգավերում է պետական, պալատական, զինվորական ապարատը, արքունի զորքերի հրամանատարությունը մի առ ժամանակ հանձնում է Սյունյաց իշխաններին։ Տրդատ I-ը Հայաստանի արևելյան մասի սահմանապահ զորքերի հրամանատարությունը կամ կողմնակուլությունը, Արաաշիսյան դահակների օրինակով, հանձնում է Սյունյաց իշխաններին։ Անդրադառնալով հայոց Վաղարշակ թագավորի (իմա՝ Տրդատ I-ի) գործունեությանը, Խորենացին նշում է, թե նա Հայաստանի արևելյան մասի կողմնապահ է նշանակում Սյունյաց իշխանին¹⁴։ Այդ պատճառով էլ Սյունյաց տանուտեր իշխանը ստացել է «զորագլուխը արևելյան բունակին», գույն և «երկրորդ արքայից» տիտղոսը։

11 Տե՛ս Է. ԱՃՈՒԱ, նշվ. աշխ., էջ 251—252։

12 Տե՛ս Փավստոս Բուզանդ, Պատմութիւն Հայոց, Պետերբուրգ, 1883, էջ 168։

13 Տե՛ս Լեոն, Հայոց պատմություն, հատ. 3, Երևան, 1946, էջ 493—494։

14 Տե՛ս Մովսես Խորենացի, էջ 106։

Հոռմեական նվաճողների դեմ մղվող պատերազմի ժամանակ Տրդատ II-ին ևս վճռական օգնություն են ցույց տալիս Սյունյաց իշխանները՝ իրենց զորագնդերով:

Վաղարշակ II-ի թագավորության շրջանում Հայաստանի արևելյան մասի զորքերի հրամանատարն էր Սյունյաց գահակալ իշխան Սիսիանը¹⁵:

150-ական թթ. Սյունյաց տոհմի տանուտիրական իրավունքը պատկանում էր Բակուր իշխանին: Ավանդության մեջ հիշատակվող այն փաստը, թե Սյունյաց Բակուր իշխանի հարձ նազնիկին Տրդատ Բազրատունին խել, Սպհր է տարել, մեր կարծիքով, աղոտ կերպով ցույց է տալիս II դարում Սյունյաց և Բագրատունյաց նախարարությունների միջև եղած մրցակցության առկայությունը, երբ Բագրատունիները, Արշակունիների արքունիքում Սյունյաց իշխաններից առաջնությունը խելու ապարդյուն փորձեր էին անում¹⁶:

Տրդատ III-ի գահակալության շրջանում Հայաստանի արևելյան կողմի զորքերի ընդհանուր հրամանատար Սյունյաց իշխանին ենթարկվում էին 21 նախարարներ՝ իրենց զորագնդերով:

330-ական թթ. հոսրով II-ի դեմ բռնկված նախարարական կենտրոնախույս շարժումների ժամանակ Սյունյաց իշխանությունը հավատարմորեն ծառայում էր հայկական միասնական Արշակունյաց թագավորության: Սյունյաց տանուտեր իշխան Վաղինակը իր զորագնդերով հաղթական կոիվներ է մղում Աղձնիքի ասպետամբ բղնշի Բակուրի դեմ և գրավում Աղձնիքը: Այդ հավատարիմ ծառայության համար հոսրով II-ը Աղձնիքում բղնշիության պաշտոնը տալիս է Վաղինակ Սյունուն, միաժամանակ վերջինիս հանձնելով նաև Բակուր բղնշիի արքայի տիտղոսները: Իսկ այդ օրինական դարձնելու նպատակով հոսրով II-ը Վաղինակ իշխանին ամուսնացնում է Բակուրի դստեր հետ: Սակայն IV դարի II կեսին Աղձնյաց բղնշիության պաշտոնը դուրս է գալիս Սյունյաց իշխանների տնօրինությունից¹⁷:

Մովսես հորենացու հաղորդման համաձայն IV դարի I կեսին Հայաստանի արևելյան սահմանները պաշտպանող զորքերի զլխավոր հրամանատարությունը որոշ ժամանակ հանձնվել է Ամատունյաց իշխաններին, բայց նույն դարի կեսերին Արշակունիներն այն կրկին հանձնել են Սյունյաց Վաղինակ իշխանին¹⁸:

Սյունյաց ակաճավոր իշխան Անդովկ Սյունին եղել է Մամիկոնյան նախարարների փեսաներից, և երբ հերոսի մահով ընկնում է հայոց սպարապետ Վաչե Մամիկոնյանը ու սովորության համաձայն սպարապետության պաշտոնն անցնում է նրա պատանի որդի Արտավազդ Մամիկոնյանին, վերջինիս խնամակալությունն ստանձնում է Անդովկ Սյունին:

¹⁵ Հավանաբար Սիսիան իշխանի անվան և հետագայի Սիսիան տեղանվան միջև գոյություն ունի ինչ-որ կապ:

¹⁶ Այս կապակցությամբ արժև հիշատակել, որ Պապ թագավորի գահակալության ժամանակ Արշակունիների արքունիքում կարևոր դեր են խաղում Պապի «բեռիներ» Սյունյաց իշխանները, որը հաճելի չի եղել Մամիկոնյան իշխաններին. այդ ժամանակ Մամիկոնյան և Սյունյաց նախարարությունները մրցում էին Հայաստանում առաջնություն գրավելու համար: Պապ թագավորի և Մուշեղ Մամիկոնյանի միջև ծագած թշնամության պատճառներից մեկն էլ պետք է համարել այն, որ Պապը արքունիքում վճռող տեղ էր հասկացրել Սյունյաց իշխաններին:

¹⁷ Տե՛ս Փ ա վ ս ա ո ս Բ ու վ ա ն զ, էջ 19:

¹⁸ Տե՛ս Մ ո վ ս ե ս հ ո Ր Ե ն ա ջ ի, էջ 275:

Չնայած Սյունյաց նախարարությունը ընդհանրապես հավատարիմ է եղել Արշակունյաց Տիրան թագավորի կենտրոնաձիգ քաղաքականությանը, բայց Սյունյաց իշխաններից Փիսակ Սյունին, դավաճանելով հայրենիքին, անջնում է թշնամու կողմը և, միանալով Ատրպատականի կողմնույթին՝ Վարազ Շապուհի զորքերին, կոխել է մղում Հայաստանի դեմ:

IV դարում Արշակունի թագավորները խնամիրական կապ են հաստատում Սյունյաց իշխանության հետ. այսպես, Սյունյաց Անդովկ իշխանի զուստր Փառանձեմը եղել է Արշակ II-ի կինը:

IV դարի II կեսին տեղի ունեցած հայ-պարսկական սլատերուզմների ժամանակ սասանյան բռնակալության դեմ մղված հաղթական մարտերում բացառիկ խոշոր դեր են խաղացել Սյունյաց զորագնդերը: 360-ական թթ.՝ երբ սասանյան մեծ բանակը ներխուժում է Հայաստան ու պաշարում Տիգրանակերտը, վերջինիս հերոսական պաշտպանությունը ղեկավարում էր Անդովկ Սյունին¹⁹: Նրա գլխավորությամբ Սյունյաց զորագնդերը սասանյան զորքերին լուրջ հարվածներ են հասցրել նաև Բասենի հաղթական ճակատամարտում: Փափստոս Բուզանդը Անդովկ Սյունուն անվանում է «իմաստուն մարդ»²⁰, Անդովկ Սյունին, կողմնակից լինելով Բյուզանդիայի հետ պաշինը կնքելուն, գլխավորել է այդ նպատակով Կոստանդնուպոլիս ուղարկված հայ-կական պատվիրակությունը²¹: Հայ-բյուզանդական հաջող բանակցություններից հետո Բյուզանդիան պատերազմի մեջ է մտնում Պարսկաստանի դեմ և հաղթանակ տանում:

Փափստոս Բուզանդի վկայությամբ, երբ Արշակ II-ին ասպարեզից վերացնելուց հետո սասանյան զորքերը կրկին ներխուժում են Հայաստան, նրանց համառ դիմադրություն են ցույց տալիս Սյունիքում, որի պատճառով էլ, ժամանակավոր հաղթանակից հետո, երբ սասանյան զորքերը նվաճում են Սյունիքը, այնտեղ կազմակերպվում են զարհուրելի ջարդեր ու սովերածություն: «Եւ զազգի Սիւնեաց տոհմին զամենայն զայր ի չափ հասեալ կստորեցին,— հաղորդում է Բուզանդը,— և զկանայս սպանին, և զամենայն մանր մանկտիսն ներքինիս հրամայէր առնել, և խաղացուցանել յերկիրն Պարսից: Եւ առնէր զայս ամենայն վասն վրիժուցն Անդուկայ...»²²:

Ստեփանոս Թրբելյանը բերում է պատմական հարուստ դեպքեր պարունակող ժողովրդական բանահյուսության հետևյալ պատումը: Հայ ականավոր նախարարներին սիրաշահելու նպատակով Շապուհ Երկարակյացը Տիգրան է հրավիրում նրանց: Տիգրանում իր դիրքին համապատասխան չի պատվում Անդովկ Սյունուն: Վերջինս, զայրացած, Սյունիք վերադառնալով՝ հարմար առիթի է սպասում վրեժ լուծելու գոռոզ Շապուհից: Եվ երբ արևելքից Պարսկաստանի վրա են արշավում քուշաններն, ու Շապուհը նրանց դեմ պատերազմի է դնում, այդ հարմար պահին իր 1700 հոգուց կազմված զորամասով Անդովկ Սյունին հանկարծ հարձակվում է Տիգրանի վրա, գրավում սրբալական պալատը, թալանում գանձերը և վերադառնում Սյունիք: Տիգրան վերադարձած Շապուհ Երկարակյացը մեծ բանակով հարձակվում է Սյունիքի վրա:

19 Տե՛ս նույն տեղում, էջ 287:

20 Տե՛ս Փափստոս Բուզանդ, էջ 48:

21 Տե՛ս նույն տեղում, էջ 47:

22 նույն տեղում, էջ 150:

Թշնամու պերազանց ուժերին զիմադրելու հնարավորություն չունենալով, Անդովկ Սյունին Սղուկից նահանջում է Բաղք ու ամրանում Բաղաբերդում: Շարունակելով հարձակումը, սասանյան զորքերը առաջ են շարժվում ու պաշարում Բաղաբերդը: Բերդի պաշտպանները համառորեն զիմադրում են և պղալի կորուստներ պատճառում թշնամուն, բայց ի վերջո, փոխադարձ համաձայնությամբ, 368 թ. Անդովկ Սյունին թողնում է Բաղաբերդը և ընտանիքով տեղափոխվում Բյուզանդիա: Բյուզանդական կայսրը նրան շնորհում է պատրիկի տիտղոս: Սասանյան հորդանների կողմից թալանի ու ավերածության ենթարկվելով, Սյունիքը մի առ ժամանակ ենթարկվում է սասանյան բռնակալությանը: Անդովկ Սյունու որդի Բաբիկ Սյունին Բյուզանդիայում ձեռք է բերում նշանավոր զինվորականի հռչակ: Հայրենի Սյունյաց գահը դրավելու նպատակով նա Բյուզանդիայից տեղափոխվում է Պարսկաստան և ծառայության մտնում պարսկական բանակում: 378 թ. նա մենամարտում հաղթում է հռենրի հռչակված զորավար Հոնադուր իշխանին, որի համար իբրև պարգև Սասանյան արքայից ստանում է Սյունյաց տանուտիրական գահը²³:

Ժողովրդական այս վեպի մեջ պատմական իրականությունն այն է, որ 360-ական թթ. Սյունիքը համառ կռիվներ է մղել սասանյան տիրապետության դեմ և 368 թ. Սյունյաց Անդովկ իշխանը, պարտություն կրելով, յուրափնների հետ տեղափոխվել է Բյուզանդիայի սահմանները: Իսկ Շապուհ Նրեկարակյացը սկզբում Արշակունյաց թագավորության տնուր հենարան հանդիսացող Սյունյաց նախարարությանը հալածել է. բայց Արշակ II-ին ընկելուց հետո աշխատել է իր կողմը դրավել այդ նախարարությունը և վերջինիս զորքը մարտի հանել հռենրի դեմ: Այդ նպատակով էլ նա փորձել է սիրաշահել Բաբիկ Սյունուն, նրան ճանաչել է Սյունյաց տանուտեր իշխան, սակայն չի հասել իբ նպատակին:

Սյունիքում Բաբիկ Սյունին իշխել է 378—399 թթ. համեմատաբար խաղաղ շրջանում: Օրբելյանը հաղորդում է, որ Բաբիկը Սյունյաց տանուտիրական զահն ստացել է հայոց թվականությունից 138 տարի առաջ²⁴: Այսպիսով ստացվում է, որ նա Սյունյաց տանուտեր իշխան է դարձել 413 թ., մինչդեռ հայտնի է, որ այդ ժամանակ Սյունիքում իշխել է Վասակ Սյունին: Օրբելյանը հաղորդում է նաև, որ Բաբիկ Սյունին Սյունյաց տանուտիրական գահը դրավել է Շապուհ Նրեկարակյացի գահակալության 68-րդ տարում, որը համընկնում է 378 թ. և կառավարել է 21 տարի²⁵: Այսպիսով, կա՛մ Օրբելյանի «Պատմության» վերահիշյալ դարձվածքը թյուրիմացության արդյունք է, կա՛մ էլ, որ ավելի հավանական է, «Պատմության» արտագրող զրիչները պարզապես «ՃՀԳ (173) տարի» բառերը շփոթել են «ՃԼԸ (138)»-ի հետ: Այսպիսով, պատմական փաստերի համադրությունը հաստատում է, որ Բաբիկ Սյունին, Հայաստան վերադառնալով, Սյունիքում իշխել է 378—399 թթ.: Սյունյաց տանուտիրական գահը գրավելուց հետո Բաբիկը միանում է հայրենիքի անկախության համար մարտնչողների հոսանքին ու կռիվ մղում կենտրոնախույս ուժերի դեմ: Այդ երևում է Փավստոս Բուզանդի պատմու-

²³ Տե՛ս Ս տ ե փ ա ն ո ս Օրբելյան, էջ 21—27:

²⁴ Տե՛ս նույն տեղում, էջ 27:

²⁵ Նույն տեղում, էջ 34:

թյան այն հատվածից, որտեղ ասվում է, թե երբ հայրենիքի անկախության համար մարտնչող հոսանքի առաջնորդ սպարապետ Մանվել Մամիկոնյանը մենամարտում է զավաճան Մերուժան Արծրունու դեմ, կատաղի մենամարտի վճռական պահին Մանվել Մամիկոնյանի քաջ ղինակից Բաբիկ Սյունին հարձակվում ու նիզակահարելով սպանում է զավաճան Մերուժան Արծրունուն²⁶։ Փավստոս Բուզանդի վկայությունից պարզ երևում է, որ Սյունյաց իշխանությունը մաքառել է հայրենիքին զավաճանող ու կենսորոնախույս ուժերի դեմ։

Սյունյաց իշխանությունը հավատարիմ է մնում Արշակունիների թագավորությանը մինչև նրա անկումը։ Արշակ III-ի զահակալության շրջանում, երբ 357 թ. կատարվում է Հայաստանի առաջին բաժանումը, Արևմտյան Հայաստանի թագավոր Արշակ III-ի սպարապետն է եղել Վաղինակ Սյունու որդի Դարա Սյունյաց իշխանը։ Վերջինս ղոհվել է Արշակ III-ի և հոսրով III-ի միջև տեղի ունեցած պատերազմի ժամանակ, Վանանդի նրբվել զաշտի արյունահեղ ճակատամարտում։ Խորենացին հաղորդում է, որ Արշակ III-ի կինը եղել է Սյունյաց Բաբիկ իշխանի դուստրը²⁷։ Այդ նույնը կրկնում է նաև Մխիթար Անեցի պատմիչը։

IV դարում Հայաստանի անկախության համար մղվող երկարատև պատերազմներում Սյունյաց ղորաղնդերի բաղմաթիվ սխրագործությունները էլ ավելի են բարձրացնում Սյունիքի դերը Հայաստանում։ Այդ պատճառով էլ Արշակունի թագավորները, իբրև բարձր պատիվ, Սյունյաց գահերեց կամ տանուտեր իշխաններին իրավունք են տվել իրենց գահանիստ պալատում ունենալ արծաթե գահ, ոսկե մական՝ տոհմական մականորոթյամբ, կրել մարգարտե վարսակալ, վարազադիր մատանի և հագնել կարմիր կոշիկ։ IV դարում հայ Արշակունիների արքունիքում Սյունյաց նախարարությունը հասնում է «զահերեցության» աստիճանի։ «Դահնամակի» համաձայն, ինչպես հաղորդում է Ուխտանես Եպիսկոպոսը, Արշակունիների արքայական պալատում առաջին գահը կամ «բարձր» զբաղվել է Սյունյաց տանուտեր իշխանը. «Եւ զայլս մի ըստ միոջէ կարգէ և կոչէ անուանս. առաջին՝ Սիւնեաց տէր,— հաղորդում է Ուխտանես Եպիսկոպոսը,— երկրորդն ասպետ Բագրատունի, երրորդն՝ Արծրունի, չորրորդն՝ Մաղխաղունի, հինգերորդն Մամիկոնեան և զայլս ևս կարգէ և հաստատէ յիրաքանչիւր իշխանութեանն»²⁸։

Հետևաբար անհիմն է Թ. Հակոբյանի այն պնդումը, թե «Սյունյաց նախարարությունը, համեմատած Հայաստանի մյուս նախարարությունների հետ, ավելի կենտրոնախույս էր։ Նա ամեն ասիք օգտագործում էր կենտրոնական պետությունից անջատվելու» (ընդգծումը մերն է—Տ. Ս.)²⁹։

Երբ մահանում է Բաբիկ Սյունին, Սասանյան թագավորը սկզբում որոշում է Սյունյաց տանուտիրական գահը հանձնել Բաբիկ Սյունու որդի, Տիգրանում որպես պատանդ գտնվող Վասակին։ Բայց երբ այդ նպատակով Սասանյան արքան իր մոտ է հրավիրում Վասակին ու հայտնում, թե վերջինիս է շնորհում Սյունյաց տանուտիրական գահը, Վասակը համարձակորեն հայտ-

26 Տե՛ս Փավստոս Բուզանդ, էջ 211—214։

27 Տե՛ս Մովսես Խորենացի, էջ 313։

28 Ուխտանես Եպիսկոպոս, Պատմութիւն Հայոց, Վաղարշապատ, 1871, էջ 40։

29 Թ. Հակոբյան, Ուրվագծեր Հայաստանի պատմական աշխարհագրության, Երևան, 1960, էջ 191։

նում է, որ Սյունիքն իր հայրենական ժառանգությունն է և ոչ որ իրավունք չունի այն իրեն շնորհելու։ Ըստ ավանդության նման հանդուգն պատասխանի պատճառով Սասանյան արքան արգելում է Վասակին Սյունիք վերադառնալ ու տիրել Սյունյաց տանուտիրական դահին, որը նա հանձնում է Տիգրոնի արքունիքի կամակատար Սամ Գնթունուն։ Վերջինս, որպես Տիգրոնի արքունիքի դրածո, վարում է հակահայկական քաղաքականություն, որի հետևանքով սյունեցիները հրաժարվում են ընդունել նրա իշխանությունը և երկրում բոլորքովում է ներքին ընդհանուր պայքար։ 401 թ. թունավորվում է Սամ Գնթունին։ Սյունիքի տանուտիրական դահն անցնում է սյունյաց Վաղինակ իշխանին (401—410), որի զահակալության շրջանն անցնում է խաղաղ։ Քրիստոնեական կրոնի տարածման ու հաստատման գործում Մեսրոպ Մաշտոցին այստեղ եռանդուն օգնություն է ցույց տալիս հիշյալ Վաղինակ իշխանը։

Այսպիսով, մատենագրական բազմաթիվ տեղեկությունները ապացուցում են, որ ուսումնասիրվող շրջանում Սյունյաց նախարարությունը հիմնականում կապված է եղել Արշակունիների թագավորության հետ և օգնել է վերջինիս հզորացման գործին, կռիվներ մղելով կենտրոնախույս ուժերի և օտար զավթիչների դեմ։

РОЛЬ СЮНИЙСКОГО НАХАРАРСТВА В ПЕРИОД ЦАРСТВОВАНИЯ АРШАКИДОВ

Т. М. СААКЯН

(Р е з ю м е)

В статье на основании свидетельств древнеармянских историков сделана попытка показать, что Сюник был одним из княжеств, являвшихся опорой централизованного государства армянских Аршакидов. В IV в. это княжество сыграло важную роль в сохранении независимости Армении в ее борьбе против Сасанидского Ирана.